



Ditlamorago tša go tshaba sekolo

Setswana



Mantombi Evelyn Nxiweni

Ditlamorago tša go tshaba sekolo

E kwadilwe ke Mantombi Evelyn Nxiweni
Botaki ka Dale Blankenaar



Thanolo ka Motlhabane Modise

Mmadibula ke mme wa bana ba le bararo,
o ba godisa a le mongwe.
Maina a bona ke Leleti, Leatile le Linda
Ba tsena sekolo kwa Kamakwe.




Linda o ne a ya kwa sekolong.
Mme wa bona a tsoga ka ura ya botlhano
phakela. A ba tlhadiela metsi a a bothitho
go tlhapa le go ba apeela motogo.



“Tsoga, o tlhape, o je gore o fitlhe
ka nako kwa sekolong.”

Linda tsoga, tsoga!” Ga bua mmaagwe.

“Mme, ke na le ditlhabi mo maleng,”
Linda a araba.



Ka bonako mmaagwe a batla molemo wa mala. "Jaa motogo wa gago o tle onwe molemo," ga bua mmaagwe. Linda a gatelelwa ke boroko morago ga go nwa molemo.



Linda a tsoga ka ura ya bolesome,
a tshameka bolotloa.

“A o ikutlwa botoka jaanong?”

“Ee, mme ke ikutlwa botoka”

A tsoga mo mosong letsatsi le
le latelang mme a ya sekolong.



Morago ga malatsi a le mabedi, Linda a seka a tsoga.

“Ke goreng o santse o robetse Linda?”

Ga botsa, mmaagwe.

“Mme ke opelwa ke tlhogo,” Linda a araba.



“O simolotse leng go ikutlwa jaana?”
mmaagwe a botsa. “Bosigogare” Linda
a araba. Mmaagwe a mo neela dipilisi tsa
tlhogo, mme a mo letla go robala.
Mo letsatsing leo Linda a tsoga ka ura
ya bolesomenngwe.



Phata-phata phata, Linda a tshameka
ka kgwele kwa ntle.

“Go a gakgamatsa, o tshameka kgwele,
a o ikutlwa botoka jaanong?”

Mmaagwe a mmotsisa.

“Ee mme ke siame”, Ga bua Linda



“Go siame mosetsana wa me. A o bona diemere tseele? Tsaya emere ennye mme o tlatse diemere di le tharo tse dikgolo ka metsi. Baya kgwele eo kwa kgakala, o tlaa tshameka fa bana ba bangwe ba boa kwa sekolong.”



Ka letsatsi leo, go ne go le mogote.
Bana ba gaabo ba boa, go tswa kwa
sekolong. Ka nako eo, Linda o ne a flaleletsa
emere ya bofelo.





"A Linda o ne a sa bobole Mme?"

Ga botsa bo nnakaagwe.

"Mmotsiseng," Mmaagwe a araba.

Letsatsi le le latelang Linda a tsoga,

a tlhapa, a ja dijo tsa gagwe.

A taboga, a ya sekolong.

Bo kgaitsadiaagwe ba motshega mme bare,
“Linda, oa bona gore go tshaba sekolo ga go
a siama?”

“Ee, ke ithutile tota.” O ne a saletse kwa
morago, ka tiro ya gagwe ya sekolo.



Ka lesego, morutabana wa gagwe a mo thusa. O ne a mo thusa ka tiro yotlhe ya gagwe ya sekolo. Linda o ne a itumela mme a ikwatlhaela go nna motlapa. Go ikwatlhaya ga gagwe, gwa neela morutabana thotloetso, ya go mo thusa ka gale.



Linda a tswelera go dira ka natla.
Kwa bofelong ba ngwaga, a falola ka dinaledi.
Go simolola ka nako eo, a tsena sekolo ka
gale. O ne a itsosa, kwa ntle ga thuso ya
mmaagwe. O ne a lebelela bokgaitsadiaagwe
mme are, "ga ke sa tsietsa, Ke ithutile thata,
go robala ka bonako le go tsoga phakela."



DITEBOGO

Mokwadi

Mantombi Evelyn Nxiweni

Motaki

Dale Blankenaar

Morulaganyi 1

Notozi Mgobozi

Morulaganyi 2

Ntombikayise Njadayi

Morulaganyi 3

Nelisa Mviko

Morulaganyi 4

Nopasika Xapa

Motlhami

PixelPing Design

Mofetodi

Motlhabane Modise

Motlhotlhomisi

Glanice Masilo



ISBN 978-0-638-00716-9



basic education

Department:
Basic Education
REPUBLIC OF SOUTH AFRICA

